

啖蔗軒自訂年譜



啖蔗軒自訂年譜

國朝

天津

天津

乾隆五十二年丁未六月

十一日巳時

余生時有兄方周

晬前一月殤至是 先妣宣太恭人勞瘁無乳

伯父步

瀛公命 庶伯母潘太孺人代哺以待乳媪予生而多病

兩歲脅下以積成痞醫藥不濟幾憊矣張媪者善鍼術

適陳祖姑母命為子治再鍼而愈

戊申二歲歸武大妹生 庶妣徐太孺人出 太孺人甲

辰年來歸辛亥年歿

己酉三歲二妹生 宣太恭人出

庚戌四歲

啖蔗軒年譜

辛亥五歲三妹生 宣太恭人出

壬子六歲正月二十五日 宣太恭人見背 太恭人籍

隸含山縣 外大父觀察晉山公 世濤 外大母唐太恭人

之次女隨任滇南乾隆乙巳來歸端莊慈儉得 大母陳

太恭人歡 伯祖耐齋公及同堂諸伯叔咸稱其賢因產

三妹彌月感寒疾醫家誤投涼劑倉卒棄世春秋三十有

四劬勞罔極永慕曷勝是年超亭閔先生 步青 課讀時

伯祖餘齋公致仕家居花晨月夕杖履追隨冬 繼妣徐

太恭人來歸

癸丑七歲

甲寅八歲讀爾雅至梁山晉望也請於 先大夫曰成王封叔虞爲唐侯至子燮乃改國號曰晉爾雅先儒以爲周公作周公時安得稱晉耶 先大夫頷之

乙卯九歲 庶妣龐太孺人來歸

嘉慶元年丙辰十歲

丁巳十一歲二弟鍾彥生 徐太恭人出

戊午十二歲

己未十三歲予自壬子從超亭師經籍古文皆成誦八年如一日焉

庚申十四歲受業懷遠楊馥亭先生 新蘭 先生精子平爲

啖蔗軒年譜

余推休咎無不奇驗是年歸林四妹生 龐太孺人出

辛酉十五歲業師含山王石屏先生 勤垣 教詩賦楷法冬

宣太恭人附葬邱家岡 先大父墓側邱岡地勢紆秀

枕山帶湖乾隆丁酉 伯祖耐齋公爲 大父卜吉於茲

並論 先大夫墓左有餘地汝夫婦異日可同穴耐焉屆

期定兩穴界先開外穴土性埴而色晦已成井矣 先大

夫奉 伯祖之命唯謹且恐再啓之再如前也 二伯父

晴巖公力持不可乃開裏穴去浮土卽獲舊磚半片蓋古

人潛記也以下堅細油潤五色斑斕是役也微 二伯父

決策幾誤諸公送葬者咸歎 耐齋公友于慈愛精鑒如

神益徵 宣太恭人福德之兆

壬戌十六歲應縣試歸黃五妹生 徐太恭人出

癸亥十七歲入縣學學使為協揆山陽汪文端夫子 廷珍

九月 大母六十壽三弟士鼐生 龐太孺人出四弟士

銜生 徐太恭人出

甲子十八歲南闈鄉試是年三月二三兩妹相繼病傷五

弟生 龐太孺人出

乙丑十九歲 大母節孝坊告成率子孫望

闕叩頭子先世家於休甯 五世祖公衍公

國初以布衣遷居鑪橋時兵燹之餘行篋中書劍自隨 高

啖蔗軒年譜

三

祖兼山公績學篤行始入定遠籍 曾祖厚齋公邑庠生

敦品誼稱長者皆以 伯祖餘齋公貴贈如公官 大父

太學生龍坡公乾隆戊子棄養 大母苦節三十餘年仰

荷

旌褒悲喜交集三月子自六安迎娶楊恭人來歸是年從學劉南

溪先生 崧秀 與 十六叔父采卿公晉三從兄 錫誥 先生

之孫以興大令 嘉嗣 講習於老瑩之側厥後科第相繼至

今以為美談

丙寅二十歲補增生五弟殤

丁卯二十一歲雲間陳水伊先生 縉書 設教淮南晉三兄

許劍星 宏鉅 暨子咸請業九月科場報罷明年

仁廟巡幸淀津有

召試之典嘉平朔束裝歲除前日到京隨 二伯父寓是年歸林

六妹生 徐太恭人出歸楊七妹生 龐太孺人出

戊辰二十二歲師事鮑覺生先生 桂星 學詞賦律楷法三

月赴淀津直隸總督太谷溫景僑夫子 承惠 學政少宰東

武劉信芳夫子 環之 會考帶領直隸暨各直省士子七十

三人河干接

駕進獻詩册

皇上御安福臚閣視長隄駐蹕

啖蔗軒年譜

四

柳墅春泉雨霽

宮樹煙和雲日就瞻

天顏喜悅學政齊集士子恭應

召試定親王綿恩貝子丹巴多爾濟帶領侍衛八人奉

命監場

欽取一等第五名賞給舉人一體會試讀卷大臣為相國大庾戴

文端夫子 衢亨 協揆長白煦齋夫子 英和 少司馬如皋戴

紫垣夫子 聯奎 倉場侍郎睢州蔣元亭夫子 子蒲 先是進

呈試卷二十二本于名第八

御覽將五名內摘黜二卷遂第六復蒙

皇上拔置第五誠異數也 伯祖餘齋公爲中書翰林前輩戴文

端夫子眷念舊交向予垂問少宰劉信芳夫子有二十人
中最少年之譽翌日隨制軍學使前詣道旁碰頭謝

恩旋京 二伯父云乾隆甲辰

高廟六巡江浙 叔祖珠泉公恭應

召試名列二等今汝擢巍科誦芬詠烈未可限也其努力以副予
望

己巳二十三歲會試後南歸六弟鍾元生 徐太恭人出

庚午二十四歲八月中暈病滯下幾殆 叔祖珠泉公屬

許君崑山用大黃藥得下乃瘳

啖蔗軒年譜

五

辛未二十五歲正月應禮闈迂道過曲阜謁至聖廟林仰

聖容撫碑碣遙瞻泰岱北峙巖巖二月抵京仍隨 二伯

父寓及試薦而不售房師編修漢陽劉雲浦先生 彬士 七

月 二伯父謝世 十四叔父恬菴公與予爲晉三兄襄

理大事 二伯父自乾隆庚子侍 伯祖餘齋公於京師

旣而服官先後卅年諄諄勸昆季子姓讀書立品承先啓

後嗚呼不忘秋援例得內閣中書到閣行走七弟生 龐

太孺人出

壬申二十六歲春楊恭人率側室王孺人來京夏晉三兄

扶 二伯父靈輿附糧艘南下予與余秋湄 鴻祖 孝廉送

至潞河

癸酉二十七歲充本衙門撰文 方畧館分校九月 大母七十壽是年八弟鍾琇生 徐太恭人出

甲戌二十八歲會試復薦而不中房師編修江西謝向亭先生階樹四月初二日 大母棄養子仰承重慈鞠育顧

復未嘗一日遠離惟以兩次北上離膝下者再 大母不言而神傷聞病中猶呼予名不置讀李令伯陳情表能不痛哉七弟殤

乙亥二十九歲大兒濬頤生側室王孺人出冬 大母合葬於邱家岡同年汪孟慈喜荷以尊甫容甫年伯中所藏

啖蔗軒年譜

六

定武蘭亭五字未損本見示真希世之寶也

丙子三十歲協辦侍讀補中書實缺引

見捐請

敕封父母封典如例歸凌八妹生 龐太孺人出

丁丑三十一歲會試薦而不中房師陽湖呂仲音先生子班

戊寅三十二歲正月選授湖北德安府同知因上年復校

高廟實錄紅綾本優敘也二月引

見四月偕眷出都臨行見汪文端師諭云顧自己處分不顧地方公事外官陋習也當腳踏實地做去又云曹儷笙相國在

朝房每贊爾差事好勉旃歸里省親假滿赴楚謁從母舅
漢陽司馬宣香坡公葆光是秋布政使訥公訥福派充湖

北鄉試內簾監試官十月側室王孺人病歿二弟來慰子

於鄂

己卯三十三歲總督慶公慶保巡撫張公映漢委審辦白

蓮教案又赴襄耶一帶挈獲習天主教三十餘人八月初

五日回省督撫合詞保奏併案送部引

見以示獎勵得

旨允準旋隨撫軍入闈幫辦提調監試事宜九月署布政使章公

廷樞委解鹽課銀兩赴東河交納冬請咨赴部殘臘大雪

啖蔗軒年譜

七

寓裕州遊漢世祖祠中有井名扳倒井光武故蹟也

萬壽

覃恩

誥封父母

馳贈祖考妣封典如例

庚辰三十四歲二月初至京十四日引

見奉

旨著先換四品頂戴交軍機處記名五月初九日奉

旨補授浙江湖州府知府初十日具摺謝

恩請

訓

召對乾清宮詢審案獲犯辦理各情節暨出身籍貫年紀

諭湖州錢漕最重浙西要缺好生去做碰頭謝

恩假旋修墓是年正月下旬過保定謁制府家來青公

受疇

公戊

辰年任方伯津門之役予曾一見於行幄及佐郡楚中書

問常垂引延益厚六月朔出都公派武弁送至德州月杪

抵家七月偕晉三兄省 二伯父之墓於池河遂東下前

兩廣制軍常熟吳公

熊光

退居姑蘇予造門為請公備述

先外大父宦雲南時緬甸用兵通省糜爛 外大父以

郡守左右離幄頓使炎徼投誠上紓

啖蔗軒年譜

八

宵旰追歎久之公中乾隆壬辰中正榜值機務會隨鉅公某至滇

與 外大父訂交焉香坡舅氏吳人八十歸田尚健在八

月抵省恭逢

仁宗睿皇帝龍馭上賓隨班哭臨接印赴任會率僚屬成禮九月

十一叔父瑞廷公以福州郡丞引疾旋里迂道雪溪談

讌數日冬二弟送楊恭人挈大兒至湖州署歸安地棍陸

名揚抗糧不法訪挈竄逸請委員督辦疊奉

覃恩

誥封父母

馳贈祖考妣並請本身妻室封典如例

道光元年辛巳三十五歲正月右髀病疽危甚少司寇吳門宋悅研先生銘薦休甯胡君春圃秉鈞診治忽一夕夢

大母來榻上命予翻身用力推助醒而面果向陽自是霍然矣 先大夫命二弟前來與晉三兄參酌調護是時

陸名揚就捨伏法八月寓會垣吳山片石居石堰場齋尹

從伯父葦川公膺薦來省侍遊西湖十二月覺生先生

杭城掃墓予以舟迓至苕川臨別贈詩有不信戴安道能

迎王子猷句以誌寵修碧浪湖浮玉塔

壬午三十六歲秋長興四安鎮旱災請緩徵重修右文館

拓東西號舍基址數丈學使少宰杜石樵先生瑒顏其軒

啖蔗軒年譜

九

日聞喜余亦製楹帖以紀事葢安定先生講學之所十二

月 先大夫六十壽三弟入縣學閔峙亭中丞鶚元出其

家藏明莊毅公珪天順甲申十同年圖卷見示遺像清高

令人仰止

癸未三十七歲郡大水烏程歸安長興德清武康五邑皆

成澤國七月初二日夜大雨如注太湖水聲震天土人云

此湖翻也聞是夕嘉興府屬之乍浦海嘯亦然實爲奇災

撫軍黃梅帥公承瀛奏請全賑子勸各縣紳富捐輸添辦

民賑湖郡災務向照分數辦理吏胥因緣爲奸民不堪命

子痛懲痼弊破格祈恩力懇以全災奏報屢飭屢請用是

積迓方伯常公

常德

羽檄交馳幾登白簡時張蘭渚先生

師誠

在籍慨然謂子曰太守愛民吾鄉之福方伯格於成

例恐千部詰耳曷擇每邑稍近山鄉者區分數以合例餘概十分可乎子勉從之乃解

甲申三十八歲春歲大熟修復長興縣太湖石塘七十餘

丈作記立碑商城大鴻臚周鑑堂姻丈

鉞

率芝生比部

祖

植由豫來浙道出湖州盤桓二日

乙酉三十九歲因德清縣案巡撫程月川

含章

叅奏革職

軍台効力贖罪楊恭人攜側室宋氏暨大兒返里三弟四

弟自金陵來三弟病瘡先歸四弟留杭是年建黃龍洞祠

啖蔗軒年譜

十

宇重刊洞志郡庫向貯前代潘羽士鐵牌懸之洞中祈雨

神驗仙跡也中忽遺失乾隆丙午雷太守

翰

修愛山臺復

得之仍藏庫祈禱如初雷會撰序余亦屬文并鐫志中屬

歸安孫柳君孝廉

衍慶

考定郡守題名碑記予自庚辰秋

承乏於斯至是六年課士皆有程式又喜愛山講席得趙

味辛

懷玉

茅松坪

潤之

兩前輩巡撫左杏莊先生

輔

先後

作揚人文繼起八月解組都人士繪峴南祖帳圖柳君作

記韻語連篇齊梅麓同年亦有句云半生仕宦皆陳迹萬

里關山實壯遊莫遣秋風明鏡裏會看圓月大刀頭遊雲

棲讀香光墨蹟

丙戌四十歲二月北行舟泊吳門宋悅研先生已返道山
親詣奠醊胡春圃拉品第二泉四弟送至揚州黯然握別
夜過桃源縣誤走湖路山東巡撫叅奏奉

旨挈交刑部治罪而予已先至兵部投到矣刑部奏請改發新
疆計在部凡一旬憶丙子在京遇蜀人金孝廉某相予官
止四品又劉瞽者推予命亦官四品但刃馬重逢行程將
數萬里今皆驗矣覺生先生三月十九日薨於邸病革時
盼子不至手絨餽贖屬家人勞問如生平予立雪程門廿
年誼篤山頽木壞恨未能哭諸寢也四月二十五日發都
城外天甯寺涇縣翟君守培從而西王兩農太守錦雯時

啖蔗軒年譜

十一

宰清苑爲言往年之案礪堂相國泣直督任公暇每謂與
予家有舊耳予名信予有守甚堅讞成獲譴以拘泥聞王
益服公由眞定而南瞻大佛重搦隋碑庚辰會到欲訪梁大司
馬第宅而習池風流已銷歇久矣自晉歷秦過平涼周太
守曠招遊崆峒子策馬陟山背而上十里憩頭天門大寺

挽鐵絙歷階以升經問道宮訪元鶴洞又十里躡山頂窮
荒大漠高處不勝寒忽暴風雨留寺宿主人飲饌極豐予
題句有云瑤琪曲澗能通馬風雨懸巖自挾龍絕頂直堪
長劍倚下山依舊白雲封鐫西至崆峒篆章七月至皋蘭
見制軍楊忠武公遇春定戍伊犁適回甕有警忠武奉總

統帥干之

命予隨行出關識楊誠村通侯芳唱和有詩移營至哈密勉亭

都護恆敬過從尤勤初予備官薇省每際木蘭秋徧威勤

侯宜軒公相勒保留守予趨直之下會叨獎掖長君襲侯

英惠好客有平原之目予過烏魯木齊侯任都護款予十

日曰南至抵戍下榻於領隊大臣今升陝督子謙制府布

彥泰署中制府久歷邊陲老成練達與予為忘年交西北

長城之寄予於哈密道中靚面早卜之矣次兒濟孚生側

室宋氏出

丁亥四十一歲揚威將軍文襄公相長齡丙戌秋伊犁登

啖蔗軒年譜

三

程建大營於阿克蘇函屬署將軍德英阿以予奏辦漢字

事件七月因四城克復奏請鼓勵文武各員予蒙

恩免罪釋回伊犁地處極邊控馭南北師興以來軍儲將罄余

先請署將軍奏準大營停運以實後路冬靜止容安贊

到任余議廣置屯田修河節費兩帥深韙之惜未果行冰

嶺高寒險滑曩以四城失守徵調稽遲致奉履勘改道之

旨予以冰嶺要害適中歸化已久餘徑涉布魯特遊牧野性難

馴繹騷足慮力懇據實復奏事遂寢雲嶠公帥慶祥駐伊

犁有年回疆殉難世篤忠貞請專摺奏入祀伊犁祠堂伊

江文武員弁調赴南路死事者數千人請奏咨入祀昭忠

祠均得

旨准行 先大夫命四弟率大兒葬其生母於萬善寺

戊子四十二歲三月自伊黎言旋安西旅次逢張同莊大

令珍臬謫戍伊江班荆道故余口號一律以贈起句云不

信陽關外從來無故人至肅州知大兒入府庠撰東歸日

記一卷生還小草詩一冊惟兩瞻華嶽俱值盛暑未暇攜

謝句躋落雁峯至今神往度函谷關取道潁川八月初七

日抵里前歲北戍過京師占六壬於合肥李孝廉飲香得

卯寅丑三傳李以枉屈煞發動情事顯然否極泰來之

象已著明年當有西方人奏請免釋者俄而竟改西陲踰

啖蔗軒年譜

七

二年而返神乎技矣爲翟君完娶

己丑四十三歲課八弟大兒讀書至霍邱竹子村掃 六

世祖可升公之墓三弟之太湖縣教諭任

庚寅四十四歲三兒濬侗生側室宋氏出

辛卯四十五歲六月 徐太恭人六十壽八弟入府庠大

兒補增食廩餼四兒濬復生側室薛氏出

壬辰四十六歲四月二十七日·先大夫捐館舍是年屆七十

囑云我自幼失怙 伯祖耐齋公撫養之恩子孫不可忘

祖姑母 大伯父之墓汝當勤展以追念生初再造之

仁 先大夫爲 伯祖餘齋公所鍾愛 公常語人曰是

能獨當一面者吳少司馬香亭先生 玉綸 嘗爲 大母立

傳稱 先大夫熟於史觥觥能自立持論有所見云靜止

參贊章佳文毅公 那彥成 之冢嗣也時被逮書來唁慰且

致贈昔予丁亥冬迓參帥於伊江如舊相識恰值南疊除

夕檢渠紅旗報捷文毅銜

命出關籌善後途間詢知公子幕府交遊唯子謙制府子亦與

焉公喜得人昔太白以未識韓荆州爲憾今予與文毅景

仰徒殷謬邀探訪又蒙參贊國士之遇幽居清室猶念故

人良可感已十月大兒迎婦自京南歸周芝臺侍郎長女

也

啖蔗軒年譜

十四

癸巳四十七歲家居讀禮

甲午四十八歲節孝坊後立 支祠以奉祭祀三姪濟泰

入府庠大孫女生

乙未四十九歲冬葬 先大夫於高塘澗大兒江南鄉試

中式副榜六月側室宋氏病歿

丙申五十歲家譜稿久藏 宗祠率三弟敬謹校對用聚

珍板刷印成書計六十部大孫臻大生

丁酉五十一歲春詣休甯三十三都鄣源長汀省 祖墓

時族人瑞元盜葬兩棺於 七世祖宗周公墓側聞予至

畏罪遷去予大會族人祭 宗祠留旬日著紀畧一卷往

還經白嶽因風雨不能登倩老友施墨癡寫雨中望白嶽
小照自題三律末章云憑君青鏤管寫我故鄉山覺生先
生長孫伯荀孝廉 勛 晤予於巖鎮里第知先生歸窀穸十
餘年不禁華屋山邱之感蕪湖渡江登蠓磯大江南北縱
目遐觀亦快事也大女生側室薛氏出

戊戌五十二歲閏四月初五日 徐太恭人棄養 太恭
人事 大母以孝聞撫子女勝己出 先大夫常云婦人
內夫家外父母家 恭人動合古訓子孫其式法焉二姪
濬履入縣庠次孫女生

己亥五十三歲春合葬 徐太恭人於高塘澗大兒至京

啖蔗軒年譜

五

應順天鄉試得售冬十月考取國子監學正學錄引

見記名從弟蘅臬 鎬 南闈亦登賢書

庚子五十四歲正月 龐太孺人六十壽以 徐太恭人

制未除不許稱慶

辛丑五十五歲大兒旋里十一月初七日 龐太孺人去

世 太孺人奉 大母至孝 大母病衣不解帶者累月

助 徐太恭人理內政 先大夫園林樂志詩酒娛賓年

屆古稀康強逢吉皆 太孺人力也屬鄣源族人燦輝重

修 遠祖澤三公墓前石塘數丈施君墨癡爲予寫嶺上

白雲圖

壬寅五十六歲大兒入都 澤三公祖墓側有汪姓盜葬
兩棺呈請周芝生觀察檄縣押遷申復立案七月爲次兒
娶婦四妹之次女也妹夫爲茂才林鶴亭士恭次女生側
室薛氏出十一月翟君寓六安麻埠山病歿以其素愛金
氏竹園遂厝焉明年送還涇君曉陰陽命數學貌慤愿遇
事接物如不慧然與予邊塞周旋相從萬里 先大夫用
是多君子輓詩有句云豈意識歸金竹圃却憐生入玉關
門且更憫其子一元生未見君而孤也

癸卯五十七歲大兒援例得內閣中書到閣行走五姪濬
師人縣庠九月命大媳攜一孫兩孫女進京

啖蔗軒年譜

去

甲辰五十八歲大兒成進士改庶吉士三孫女生次兒出
乙巳五十九歲大兒散館授職編修九月初五日

御園東書房輪班

召對詢科分甲第散館名次籍貫歲數祖父出身父年齒
問汝父年紀不大何以不做官 對 因檢驗錯誤罷職蒙

諭這係公罪大兒叩頭謝

恩寄書以告予免冠碰頭感慚無地屬門生歸安姚蓉裳 折繪

近光圖卷恭紀二律春鐵君從弟 錯 招遊維揚詩以謝之
有鄉夢尙縈黃海月壯心空負廣陵潮之句

皇太后七旬萬壽

覃恩大兒請

敕封父母生母

賜封胞叔父母封典如例二弟夫婦得與焉三弟選東流縣教諭

冬葬 龐太孺人於吳家湖

丙午六十歲三弟之任次兒入縣庠周親家芝臺侍郎奉

命校閱營伍將之壽春道出鑪橋攀留一宿側室薛氏生一子

兩女在中饋十餘年五月以胃痛痼疾不起藝圃從弟成

均好風鑑子平多奇中每以子三刃入命為內壺傷子行

老矣豈意生子理家之妾卅年間凡三淪喪命果不爽耶

六月為三兒娶婦 祖姑母之曾孫女上舍陳雨香澍培

啖蔗軒年譜

表弟之長女也嘗閱梁聞山先生嶽論書筆記知得天諸

老師承有自予閱居學書二十餘年因追悟香光執筆之

法有啖蔗居士小印著蔗餘偶筆一卷又口占云始信坡

翁詩句好差能忍事腹如囊葢綜六十年以前之境言之

也

丁未六十一歲大兒分校禮闈得士劉有銘等十三人四

孫女生三兒出

戊申六十二歲為四兒娶婦懷遠陳環極學博汝諧之女

啖蔗軒自製楹帖

時至卽行再休戀身外浮雲天邊朗月

知足不辱問誰似殿前作賦塞上從軍

右伯兄所自訂年譜也紀事至戊申年而止己酉春自爲楹帖書於冊後嗚呼至此絕筆矣是年正月四兄芝山公先以疾卒伯兄悲惋過甚時覺胸腕脹痛日啜粥糜初以爲胃弱耳三月宗祠春祭猶勉強成禮數日後病勢漸增食已卽吐醫家以反胃證治不效更以膈證方進而嘔吐轉甚四月七姪濬復入郡庠伯兄稍慰然已形銷骨立伏枕不起諸兄姪問疾者皆酬應如常時惟以力行孝友勤慎持家相勉至閏月十二日遂瞑目長逝矣嗚呼痛哉時兄長子濬頤在京官編修奉

啖蔗軒年譜

六

敕典雲南鄉試未及行而聞訃八月奔喪旋里十月卜葬於花章廟之新阡庚戌元配楊恭人卒葬於萬善寺之北從兄命也癸丑大姪服闋擬檢遺稿入都校梓值粵寇破安慶沿江諸州郡相繼告陷淮南北在在籌防遲至乙卯春始北上旋補山東道監察御史轉京畿道御史戶科給事中戊午京察一等俸滿截取均蒙

恩記名以道府用己未冬以禮科掌印給事中

特授廣東南韶連兵備道加四級請二品封甲子蒙

恩授兩廣鹽運使乙丑兼攝布政使事先是戊午之歲吾鄉冠賊交訌二兄盡室赴松江三兄奉檄委署潁州教授

以疾卒於壽州六兄與濬者姪皆避亂他徙余亦間關入京庚申秋遂相隨抵粵大姪請於余曰先大夫一生孝友篤行鄉黨無間言平居訓戒子姪孳孳不倦近年來賊氛肆擾骨肉流離四弟濬孳病歿懷遠弟婦林城破不辱抗節死難三弟濬泰以松江府經歷署丹陽縣知縣事庚申閏三月禦賊陣亡所以使婦孺能知大義子姪輩亦皆濯磨奮勵二弟濬履以附貢選授桐城縣訓導五弟濬師由內閣中書擢補侍讀加四品銜七弟濬復由兩廣候補鹽知事捐升同知九弟濬益由州判薦升江蘇知縣加同知銜而姪長子臻大亦由湖南知

府保升道員加鹽運使銜癸亥十一月次子臻廣生於南韶道署一官薄俸聚族於斯凡夫仰庇蔭而沐餘光者其來有自也八叔父率諸弟侍先大夫疾四十餘日親聆遺訓宜追述之以乞銘誅於當時鍾琇夙承伯兄教誨不克早自樹立謏陋不文何能爲行實之紀然於伯兄彌留之際諄諄戒勸至今謹記弗忘敢不敬爲補誌以垂示後嗣至兄之二女一歸於吳一歸於孫長孫

臻大

娶婦章氏續娶王氏長孫女適孫次孫女適孫次

孫

臻治 三孫 太平

三孫女字張爲六姪

濬侗

出四孫 臻

淮

五孫女字孫爲七姪

濬復

出六孫女字

爲四姪

濬

字出曾孫燕昭為長孫臻大出皆兄所未及見者乃椽

其顛末而泣為之跋且以明伯兄見背十有六年之後
而始成其志蓋有為而緩也非敢緩以有待也

伏乞有道能文之

大人先生賜以銘誄則生生世世感且不朽

期服弟鍾元秀泣跋

啖蔗軒年譜

三

